

CUNCURSU DE POESIA SARDA "ANTONI PILUDU" - ANNU 2012  
XIX EDITZIONE

BANDU DE CUNCURSU

S' Amministratzione comunale de su Comune de Iscanu, paris cun s' Ufitziu de sa Limba Sarda e cun sa Consulta pro sa Limba e sa Cultura Sarda, bandit sa de XIX editziones de su cuncursu de poesia sarda "Antoni Piludu".

**NORMAS PRO PARTETZIPARE**

Sunt amìtidas a partetzipare sas òperas iscritas in cale si siat variante de sa limba sarda. Est mègius a mandare finas sa bortadura in italianu, màssimu si in s'elaboradu b'at paràulas pagu connotas.

ART. 1

Su cuncursu est articuladu in 3 setziones:

**Setzione 1:** Poesia in rima a tema liberu;

**Setzione 2:** Poesia in versos liberos a tema liberu;

**Setzione 3:** Poesia o prosa pro sos pitzinnos de iscola Elementare e Mèdia de Iscanu. Tema liberu.

ART. 2

Si podet partetzipare a **una setzione** ebia cun un'òpera ebia. Si racumandat de rispettare su limite de 40 versos.

ART. 3

Sas òperas, iscritas in computer, a màchina o in 'stampatello', cheren mandadas in 8 còpias iscritas in craru. Sos elaborados non cheren firmados, tocat de bi pònneru unu "mottu" **chi deve cambiare dae un'annu a s'àteru**. Sas generalidades (nùmene de s'autore, indiritzu e nùmeru de telèfonu, e in prus su "mottu") cheren postas a banda, in busta sigillada posta in intro de sa busta manna.

Sos cuncurrentes devent iscrìere in sa busta de fora a cale setzione sunt partetzipende.

ART. 4

Sas òperas cheren inèditas e mai premiadas in àteros cuncursos literàrios. Sas òperas presentadas non sunt vinculadas dae perunu deretu de autore e ant a abarrare de propiedade de su Comune de Iscanu, chi las podet impreare pro cale si siat iscopu culturale sena cumpensu perunu pro sos autores. In casu de publicatzione sa Giuria podet fàghere, si bi cheret, carchi curretzione de ortografia.

ART. 5

Sa busta cun sos elaborados deve arrivare a s'ufitziu protocollo de su Comune intro de su **31/07/2012**. Si podet dare a manu o mandare in posta ordinària cun afrancamentu normale (l'at a documentare su timbru postale) a custu indiritzu: COMUNE DI SCANO MONTIFERRO - UFFICIO DELLA LINGUA SARDA - PIAZZA MONTRIGU DE REOS S.N. - 09078 SCANO MONTIFERRO (OR).

In sa busta bi cheret iscritu: XIX CONCORSO DI POESIA SARDA "ANTONI PILUDU" - SEZIONE N° \_\_\_\_".

ART. 6

Una Giuria de espertos numenada dae sa Giunta comunale at a giudicare sas òperas, e su giuditziu non si podet cuntestare.

ART. 7

S'ant a premiare sos primos 3 classificados de ogni setzione, e sa Giuria podet dare signalatziones e mentziones de onore.

Sa premiazione s'at a fàghere in su mese de Cabudanni in su teatru "Nonnu Mannu" de Iscanu. S' Amministratzione nd'at a dare avisu cun tempus.

ART. 8

Pro partetzipare non si pagat nudda, e chie partetzipat est atzetende sos tèrmines de custu Bandu.

Ischanu, 12/06/2012